

Das ist der seggen des star-
cken Poppen/ Dardurch er selig ist worden/
In dem brieffthon des Regenbogens/

40.


365



18

366

Handwritten text, likely bleed-through from the reverse side of the page, including the name "Gaillet" and other illegible characters.



AD BIBL.
UNIVERS.
MONAC.

Gesegen mich herot der Got der mich bes
schaffen hat/ Gesegen mich herot der Engel 367
mein vor falschem rhat/ Gesegen mich herot
Maria maydt frū vñnd auch spat/ Gesegen
mich herot das heylig creutz/ vor sunden vñd
vor schanden

¶ Die vier Ewangelisten nemen meynn herot
gut war/ Vñnd ich empfill mich gētzlichenn
an der Engel schar/ so mag mir nicht geschā
den als klein als vñb ein har/ wo ich hin ker in
aller welt/ auff wasser vñd auff landen.

¶ Gesegen mich herot maria die reyne mayde
Das sie mein schirm vñ schildt hie sey vor aller
note/ Behüt mich got alhie vor eynem gehen
tode/ Das meynen armen sele werde vil gut ra
the/ Vñd wen sie von dem munde auß get/ vñ
von dem leyß müß schayde.

Gesegen mich herot der got den man an das
Creutz hieng/ Gesegen mich heut zeyt vñ weyl
die er daran hieng/ Gesegen mich herot die bar
mung die vñns do ergieng/ do in eyn blinder
heyde stach/ mit einem scharpffen spere.

¶ Gesegen mich herwt Sper nagel drey vnnnd
 auch die kron/ Gesegen mich herwt plut was-
 ser das do von ym ron/ Gesegen mich gottes
 muter vnnnd Johannes schon/ Gesegen mich
 ir hendt sie wandt/ vnder dem creutze sere/

¶ Gesegen mich herwt aller reynnen Priester
 zungen/ Gesegen mich herwt herre Jesu christ
 dein angst vnd not/ Gesegen mich herwt deyn
 marter vnnnd dein bitter todt/ Gesegenn mich
 herwt dein heyligen sunff wunden rot/ Geseg-
 gen mich all priester gut/ in der mess wanden-
 lungen.

Gesegen mich herwt der vrsprung aller guttē
 art/ Gesegen mich herwt Got selber vnnnd seyn
 Engel zart/ Gesegen mich herwt sein vrfstendt
 vñ sein himelfart/ Gesegen mich als weyt der
 thron/ das erdtrich hat vmbpfangen

¶ Gesegenn mich herwt das gemein gebet der
 Christenheyt/ Gesegen mich herwt was man
 von got singt oder sayt/ Gesegen mich herwt
 gotz muter vñ ir grosses laydt/ do sie ir lyebes
 kindt ansach/ do an dem creutze hangen

¶ **Gesegen mich herwt** Tres sendigtliches sehē
 Das maria an irem lieben kinde sache/ do im
 der todt das lebē vmb den sunder prache das
 keyner muter auff erdt nye so laydt geschahē/
 durch die vermanūg muter goz lass vns kein
 laydt geschehen

Mein got ich bitte dich durch deyne drinal-
 tigkeyt/vñ durch deinen todt den dein mēsch-
 heyte für vns leydt/ **Gesegen mich herwt** deyn
 warhafftige war menschayt/ **Gesegen mich**
 das du vergabst/ am creutz dem schacher here
 ¶ **Ich ermane dich herre Jesu Christ** der vrs-
 stendt dein/ **O herre got** lass dir mein gebet an-
 genem sein/ woll durch die Engel die bey dir
 in dem himel sein/ **Das bit ich dich meyn herr**
 vnd got/ durch deyner muter ere/

¶ **Meyn got** mache mich nun vonn meynen
 sunden hayle/ Dein görtliche erbarmung vñnd
 die ist also groß/ Vñ mer dan laub gras vñnd
 griess auff erdē nie entsproß/ vil mer dan regen
 tropffen auff erden ye gefloß/ **Ich bit dich** als
 mechtiger got/ dein barmung mit vns tayle

Ich ermann dich Maria du hochgelobte
meydt/ do dir dein kinde an deine arme warde
geleydt/ vnd durch das schwerdt das durch
deyne seel vnd hertzen schneydt/ Do dir deynn
zarte wang vnd puust/ mit plut was vber run
nen/

Ich man dich an das küssen zu der selbenn
stunde/ Das du thest deynem lieben kinde an
seynen munde/ Ich man dich do du in sachst
also seer verwunde/ Wer dich des iamers hye
ermant/ dem hilff zu gottes wunnen

Got vnns hat erlöste wol auß des Teuffels
arcken/ Mein got behüte vns vor dem teuffel
Sathanus/ Vnd vor den andern Teuffellen
allen yssinus/ des hilff vns herre durch deyne
wort Jesus christus/ behüt vns almechtiger
got/ vnd Meyster popp den starcken/

Wolffgang Huber.

371

3721